



**Geistliche || Lieder vnd Psalmen/ der || alten
Apostolischer recht vnd warglau=**||biger Christlicher
Kirchen/ so vor vnd nach der || Predigt/ auch bey der
heiligen Communion/ vnd || sonst in dem haus ...****

Leisentritt, Johann

Budissin, 1567

VD16 L 1061

Dem aller Durchlauchtigsten vnd Grossmechtigsten Fürsten vnd Herren/
Herrn Maximiliano dem Andern Römischen Keyser/ zu allen zeiten Mehrer
des Reichs/ in Germanien/ zu Vngern/ Behaim/ Dalmatien/ ...

Nutzungsbedingungen

[urn:nbn:de:hbz:466:1-56508](https://nbn-resolving.org/urn:nbn:de:hbz:466:1-56508)

Dem aller

Durchlauchtigsten vnd
Großmechtigsten Fürsten vnd
Herren/ Herrn Maximiliano dem An-
dern Römischen Keyser / zu allenzeiten
Mehrer des Reichs/ in Germanien / zu Ungern/
Behaim / Dalmatien / Croatic / vnd Schlawonien
König zc. Erzherzogen zu Osterreich/ Herzogen
zu Burgundien vnd Schlesien/ Marggraff in
Märhern vnd Lausitz / Graffen zu Ty-
roll/ zc. Meinem aller gne-
digsten Keyser vnd
Herren zc.

Gnad/ fried/ heil vnd alle
wolfart von Christo Jesu vnse-
rem HERRN/ vnd mein andechtigstes
Gebet zu GOTT dem Allmechtigen/
samt meinen vnterthenigsten gehorsam-
sten vnd pflichtigsten diensten
bevor.

Vorrede.

Alles Durchleuchtigster vnd grossmechtigster Römischer Keyser/ auch zu Vngern vnnnd Behem König zc. Aller gnedigster Herr. Wir lesen bey dē Eusebio in Historia Ecclesiastica, vnnnd andern der Christlichen Kirchen Lehrern/vnsern lieben vorfahrn/ von den Arrianischen vnd dergleichen Ketzern/ Wie dieselben mit hohem ernstlichen fleiss sich bemühet/ Wieder die Altgleubigen Catholischen Christen/ gar viel vnd manicherley lester vnnnd

Vorrede.

schmehlieder / In Landes ge-
breuchlicher sprach / Zu ziehen /
Vnd dieselben an vnterlas zu-
singen / Damit sie auffruer / mord /
vnd alles vbel an vnd zugerich-
tet / Die Catholischen gar hefftig
geplaget / vnd vber andere teg-
liche vorfolgung vnd wieder-
wertigkeitten / Bey menniglich in
grosse verachtung gebracht.

Diesem nit vngleich hat Pau-
lus Samozatenus auch gethan /
vnd die Psalmen / so zu Christi
vnfers H Erren vnd Heylands
lob vnd ehr / Von vnseren lieben
vorfahren vnd Altgleubigen
Chrsien / aus sonderlicher ein-
gebung des heiligen Geistes / ge-



Vorrede.

macht vnd volzogen gewesen/ er
abgeschafft vnd an stat derselben/
Zu forderung seines vnmensch-
lichen hochmuts vnd Ketzereyen/
andere eigensinnige vnchrisliche
lieder erdacht / Vnd dieselben zu-
singen verordnet / Damit er sei-
nen anhang gemehret / Vnd viel
menschen von vnserem vralten
Chrislichem glauben abgeföhret/
in mancherley Secten vnd par-
thein (wie der Ketzter art vnd ei-
genschafft ist) zerteilet.

Aller gnedigster Herr vnd
Keyser / Iniger zeit gehet es in
gar viel orten / Stetten / Flecken
vnd Dörffern/nit viel anders zu/
dann die alde/eintrechtige/vnzer-

Vorrede.

trenliche vnd allein seligmachen-
de Chriſtliche Religion / Wird
durch die vnzelbaren manichfel-
tigen Secten/wohn vnd meinun-
gen gar ſemmerlich geſchmehlert/
vnd werden teglich allerley trözi-
ge/auffrüriſche/leſier vnd ſchand-
lieder / ſo wol zuuerachtung or-
dentlicher Obrigkeit / als zuuer-
tilgung / des alten Chriſtlichen
Glaubens / gemacht / Gefungen
vnd gebraucht / nit allein vor vnd
in den Heuſern / Sondern auch
offentlich in dem Hauſs Gottes/
Dardurch der gemein man wird
verbittert / ſonderlich aber die vn-
ſchuldige Jugend ſhr dieſelben zu
ſhren lebtagen einbildet / Doraus



Vorrede.

dann ein Buchrislicher eiffer/
grosse verachtung / vnuerwindt-
liche schmehung / vnd hinderlistige
geferliche verfolgung / wieder die
Altgleubigen Christen entspross-
sen vnd oberhand genommen / auch
von tag zu tag in Catholischen
ortern mit gewalt pflegen einzu-
reissen / machen die leut gantz irre/
bosshafftig / ja auch abfellig von
rechter Christlicher ban vnd al-
ler andacht.

Da solchem vnordentlichem
beginnen / neben Göttlicher hülff-
fe / Zeitlich nit wird geraten / son-
dern das die Catholische Jugend
solte solchs trözigen vorhabens
auch gewonen / Dormit erzogen

Vorrede.

werden vnd erwachssen / Ist in
warheit einer neuen / nach erge-
rer / bosshafftiger Welt künfftig
zubeforgen / Dann se gewesen /
Wie albereit die frommen auff-
richtigen alten Christen mit we-
nig darüber sich bekümmern / vnd
doch das gemeine / besonder aber
das junge Volck das singen ihnen
nit wehren lest / singet was ihnen
vor kümmet es sey Christlich oder
vnchristlich etc.

Weil ich dann / vntwirdig / al-
hie in der Geislichen mir befohle-
ner Jurisdiction, so weit sich die-
selbe erstrecket / In gar viel ortern
dessgleichen bisher sehen vnd hö-
ren müssen / doch ihnen für mein

Vorrede.

person/allein was E. Röm. Key:
May: aus angeborner güttig/
keit / durch aller gnedigste einse-
hung gethan/ nit siewerē noch we-
ren können / Bin ich verursacht
worden/neben Göttlicher verley-
hung (krasse tragendes Ampts)
meinen möglichen fleis dissfals
vorzuwenden / Vnd habe erstlich
zu lob / ehr vnd preis GOTTes/
darnach zu auffnehmung vnd er-
haltung der Altgleubigen / wah-
rer / Apostolischer / Christlicher
Kirchen/ lezlich vnd sonderlich zu
forderung der menschen Seelen
selickheit / mit schuldigem Christi-
lichem fleis / die nothwendigsten
alten Kirchen geseng/ auch etliche

Vorrede.

Psalmen / Vnd andere geseng
mehr / Aus klarem Göttlichem
Wort / so wol aus den Ortho-
doxischen Gottsfürchtigen hei-
liger Schrifft Lehrern / mit vor-
gehenden Melodien / vñ auff ein
jedes vornembst Fesi kurzen / doch
Christlichen vnterweisungen zu-
sammen bracht / vnd in zwe buch-
er verordent / so vor vnd nach der
Predigt / ja auch ane verlesung
der substantz Catholischer Reli-
gion / Bey der Mess / vnter dem
Offertorio vnd heiliger Com-
munion, Zum theil auch in vnd
vor den heusern / Durchs ganze
Jar / Zu gewöhnlichen zeitten /
mögen aus gelesen oder vnuer-

Vorrede.

mischer weisß gesungen werden.

Demit niemand in obgedachter meiner Jurisdiction vrsach habe vorzuwenden / Als mans an C. Hrislichen gesungen hette mangeln lassen / Vnd also auch den frommen guthertigen Christen (im fall der notturfft) Einiges Vnchrisliches Liedt vor die handt zunemen / Vrsach gegeben würde / sonder hiermit zufrieden sein / frembde Lehr / fremde Gottes dienst (als die vnter den Aposteln vnd Apostolischen successorn vnd nachfolgern / In alder vnd gemeiner Christenheit / gar nicht bekand noch gebreuchlich gewesen) desto ernstlicher

Vorrede.

meiden / sich dieselben nicht irren /
Viel weniger verführen lassen /
wies dan des mensches heil / vnd
der Seelen seligkeit notturfft er-
fordert.

Zu deme vnd ober das / Hab
ich in höchster bewegung der vor-
siehenden noth / auch auff emsig
anhalden vnd begeren der Ca-
tholischen Religions Hertzlich
vorwanten / nicht sollen noch kön-
nen vnterlassen / solch gesangbuch
durch den druck / in tag zu geben /
Vor allen dingen aber / Ewer
Röm: Key: May: etc. hochver-
stendigem vnd angebornem recht
Christlichem Iudicio vnd vrtheil
es zu vnterwerffen / in vnterthe-



Vorrede.

nigster bit Ewer Röm: Key: Ma:
geruchē / nit dz werck / welchs gar
gering vnd schlecht ist / sonder das
gemüth bewegen / vnd mit Keyser
licher güttigkeit allergnedigst an
vnd vernemen / mich sampt mir be
fohlenen Catholischē heufflein / in
aller gnedigstem schutz erhalten.

Darlegen / Das der almech-
tige Gott durch Jesum Christum
vnsern Herren / in welches hand
das hertz des Königes siehet / wol
le E. Röm: Key: May: sampt
ihrem geliebten gemahl / gebrü-
dern / Erben / Auch dem ganzen
haus von Osterreich / vnd allen
regirenden Christlichen Poten-
taten / seinen Göttlichen segen ge-



Vorrede.

ben/ vnd mit seiner vnerschöpten
barmhertzigkeit/ ein langes leben/
glückselige regierung/ Sieg vnd
oberwindung/ Wieder all ihre
Feinde/ verleyhen/ Das erkennet
sich die ganze Catholische Cleri-
sey vnd ich an vnterlass/ mit
recht andechtigem hertzen auff's
fleissigste zu bitten schuldig vnd
pflichtig/ Thun es auch jeder zeit
gantz willig vnd gern/ Datum
Budissin den 1. May: Anno
1567.

E. Röm: Key: May:

Aller vnderthendigster Capplan
vnd hochdenütigster diener.

Johan: Leisentrit/
Schundechant zu Budissin/28.

